

度

支

奏

議

度支奏議目錄

邊餉司二卷

覆議保撫節贖抵補並修防軍屯疏

題覆巡按陳睿謨保鎮省餉有據疏

題覆山西耿撫院清汰節省疏

題請三協新舊餉銀通融解發疏

題覆宣府餉司荆之琦鑄息疏

虜情孔棘謹陳緊要餉運機宜疏

給發副將申甫新兵行月本折糧草疏

題發昌鎮兵餉

京軍出防同體行糧多寡異額疏

覆御史饒京條議兵餉疏

覆江西巡按范復粹題議京邊漕糧疏

覆宜鎮構節等款扣抵餉銀疏

覆戶科高澤科立催糧限單疏

覆大同巡撫題催民運疏

覆巡視太倉劉御史條陳錢糧蠹耗疏

覆保鎮兵餉京運改民運疏

題覆山西譚軍索餉疏

題覆李永刻限復命疏

度支奏議卷之二

太子少保戶部尚書潘青畢自嚴視草

覆議保撫節曠抵補並修防軍屯疏

題爲遵

旨查明具奏事邊餉司案呈崇禎二年六月初十日  
奉本部送戶科抄出保定巡撫解經傳題前事  
等因奉

聖旨這奏易鎮官兵額數知道了其三道一併清覈  
速奏前疏節曠抵補並修防軍屯一款該部查議

具覆欽此欽遵抄出到部送司奉至到部該  
查得先該撫臣解經傳題爲謹陳九邊軍餉之  
數并年來不足之因以荅

睿命以便區處事等因奉

聖旨據會計錄易州鎮官軍見額六萬八千七百餘  
名比萬曆原額倍多這奏二萬五千九百餘名較  
原額更減又不詳開因革緣繇何以省覽着遵戶  
部前奉原旨再行詳覈具奏該衙門知道欽此除  
易州鎮官兵額數已經該撫奏明及三道一併

清覈臣部移咨該撫速奏外惟是節曠抵補併  
修防軍屯二款奉到

明旨令臣部查議具覆臣謹摘出原疏並附末議惟  
聖明裁酌焉撫臣之言節抵也疏稱自萬曆三十二  
年經制歲入京民屯三運共定銀二十萬七千  
六百餘兩今額因之第軍有逃亡馬有倒損清  
覈缺額之士馬質對原額之錢糧歲該節省銀  
四萬六千五百餘兩惟是保茂等衛原以屯糧  
供各營而今盡折開營牲例歲支折色而又故

本色一月夫屯糧之收折色者僅用銀  
而召商買辦每石用價一兩五六錢上下是  
衛屯糧之入數既減三倍而開管月支之出  
更增三倍而贏也又選鋒加糧與管馬添料皆  
因遼東多事馬斃兵疲不得不就原額中取  
曠以補單處非耗糜而侵冒也除支領外止可  
節省五千一百餘金若本色一月糧盡改折  
節省當三萬餘矣且今京民屯三運積欠至  
年餘則缺額之數止可留空名於餉司不能



節省之實在也此易鎮兵餉原額今額之大略也該臣等議得選鋒加糧與管馬添料相沿已久今且方望其飽騰何敢議減第關管本色歲之中僅支一月似亦非必待裹糧而後糊口也何如盡改折色之爲便也一月之改折於軍士額餉無絲毫損於

公家樽節有二萬餘此豈俟再計者至於保茂等衛之屯糧既有納折色之人則原有辦籽粒之地當年旣徵本色今何爲獨不然仍應盡收

色本色充而召買可徐裁也。舊法所謂歲請銀四萬六千五百者也。以抵補迭欠裕如矣。撫臣之言修防也。疏稱撫屬二十三衛所除戍守各關並遠在外省者不便裁處。外計每歲修防兵十五營。乃二十三衛所屯軍也。計軍共二萬五千餘名。計供軍屯地約二萬餘頃。計歲領餉布銀共十萬餘兩。

祖制衛所之軍原以三分守城七分屯種。後漸爲赴邊防援。今盡改爲春秋修工以三月之工支銷。

此十餘萬之餉計工未必用數萬且查修工之處每兵一萬仍外費坐糧鹽菜等銀二萬餘兩米二萬餘石卽此四萬餘銀米卽可包完萬軍所修工程而營衛支領月餉並行糧多半充領班之賣放今准兵部咨該 內閣傳出

皇上在講筵因講臣進講生財有大道節內言班軍多倩投無裨實用應議停折者政有見於此臣以爲營衛修防之軍查處絕並老弱可節省才之二三留強壯者分兩班以備防守出防者

赴工或停折供邊塞春鑄之費既歇班者  
國城構之備庶軍不至虛而無當餉俱實而  
善矣該臣等議得管軍修防行住之費歲糜銀  
米等項一十餘萬計所修工程卽以鹽菜坐糧  
包之有餘且查班軍半折在京者前已覆奉  
俞旨則保屬正可酌例合如該撫所請分兩班以備  
防守令土運城操輪番畢舉且所省鉅萬也至  
於查巡總老弱去十之二三則又隸在兵部臣  
未敢越俎也據臣之言軍屯也疏稱

國初屯制每軍種田五十畝或百畝不等爲一分  
每分歲糧上倉正糧十二石聽本軍月支又支  
餘糧十二石復收六石給本衛官軍俸糧後正  
糧雖免上倉然有地一分歲應以十二石養軍  
儘足自給後窮軍以屯田典種漸且受價私賣  
矣始猶外貼軍錢後漸轉入勢豪供軍不敢問  
矣通計見在屯田本軍自業者十無三四安得  
不貧且弱也夫屯田典賣禁例甚嚴在畿內者  
旣無民地差徭又無增加遼餉而以軍資爲豪

強侵占據法自當追奪但念該管官出價償還  
當照民地遼餉量爲加增查河南歸德等衛每  
畝定供軍銀五分今畿內有肥瘠每畝量加二  
三分計萬頃當加二三萬兩且逃絕之軍各有  
分地清其逃絕而遺地俱屬剩餘也該臣等議  
得屯以養軍計人爲分軍有逃絕而屯終難隱  
沒卽爲勢難占買然冊籍在官片段在野可履  
畝而闕也寬以追奪之律而比於軍興之增情  
法兩平人未有不樂輸者臣部近據科臣汪始

亨之議清查屯田凡占種軍田者槩令同民田  
起科易額雖在邊方事同一體合如撫臣所請  
比照遼餉每畝量加二三分或照科臣之言據  
地肥瘠爲多寡一釐正間可得銀二三萬此亦  
軍

國之一助也以上據撫臣原疏得之目擊量必熟  
籌於以贍兵裕餉班班石畫臣等方借爲前箸  
固無異同其間第軍政所關不妨慎重而事在  
該鎮未便遙度伏乞

皇上勅下兵部及臣部各移咨該撫再一覆議  
一月本色改爲折色保茂六衛屯糧盡上本色  
是否妥便官軍分班備防每班實該若干員名  
共省行糧等項若干兩石見今各營逃絕若干  
老弱應否查覈屯田每畝作何加增實計若干  
畝或一槩量加或分別多寡定爲畫一通計可  
得若干以贍軍儲庶撫臣之條奏得收實益而  
國用軍食亦兩有攸賴矣臣等可任悚息待

命之至



崇禎二年八月初六日具

題本月初十日奉

聖旨這曠抵等款既經查明還依議會同兵部各移  
咨該撫再加覆議具奏施行欽此

題覆巡按陳睿謨保鎮省餉有據疏

題爲保鎮省餉有據臣職克修謹據實

上聞以祈

聖鑒事邊餉司案呈崇禎二年七月十七日奉本部  
送戶科抄出巡按直隸監察御史陳睿謨題前  
事內稱易州道臣沈梈餉臣劉象瑤兩臣到任  
近在上年秋冬之間乃閱其庫貯節省冊已有  
一萬二千二百四十兩零之多矣內該今撫臣  
前道臣解經傳清出曠軍銀議以打造軍器則

有二千六百八十三兩零前道經孫敷清以  
軍銀題以修理邊牆則有一千二百八兩零  
清出缺馬銀則有二百六十四兩零節之當日  
誠有遠念存之今日殊費苦心道臣沈葆楨於放  
糧之期親至面給或委府廳州縣代給並不落  
武弁之手遂查有曠伍銀二千八百三十四兩  
六錢之省又扣還餉司銀有一千九百八十三  
兩二錢之省此則道臣項下可據者餉司劉象  
瑤設法收買存倉不聽商人書識共計折銀有

二千六百三十一兩零之省又放支天啓七年  
分糧布照經制出入查出空餘銀有六百三十  
五兩之省此則餉司項下可據者以上數項共  
計節省銀一萬二千二百四十一兩四錢三分  
俱見貯易州庫內乞將道臣餉司見在節省銀  
兩查明不令他項移用至缺伍原額銀四萬六  
千兩仍責逐款漸次設法查復若修理城垣器  
甲等俱係地方急務應否准令前銀動支完且  
具數開報道臣沈際或加相應職銜餉司劉象

瑤一體久任俟著有勞績從優遷轉等因奉

聖旨據奏保鎮省餉該道餉司具見苦心其節省數  
目查明存貯缺伍原額還照奏內諸款設法查復  
修理城垣器甲等項應否動支前銀及沈際劉象  
瑤久任一併議覆該部知道欽此又奉本部送戶  
科抄出兵部尚書王洽題前事內稱道臣沈際  
餉司劉象瑤砥操清嚴賦才敏練能協心共濟  
未一年而節曠銀有萬二千之多若以本鎮之  
節省卽用之於本鎮而以繕臺牆以飭器械以

造衣甲以儲藥物誠便計也象瑤爲計部高選  
萬口推轂應聽計部議留若沈滌先在起曹製  
造盔甲精堅得用旣在關門勞勩更久樞輔咨  
覆加級奉

旨案未敘前勞今按臣旣有加銜久任之

請似應

勅下吏部從優加秩等因奉

聖旨沈滌加銜久任吏部確查議覆原本事關兵餉  
的戶部卽與覈覆該衙門知道欽此欽遵抄出到

部送司奉此案呈到部該臣等看得設險修  
峙糧待閏皆係吃緊要務法宜並舉易州道臣  
沈際餉臣劉象瑤樽節拮据共得銀一萬二千  
有餘按臣以啓事入

告擬供地方急務而樞臣覆疏謂以本鎮之節省卽  
用之於本鎮誠便計也蓋老成謀

國卽竹頭木屑安頓得宜何況鉅萬而直指巡方  
見有利於

社稷者旣珍惜人才又鄭重物力臣方深幸借手此

於以人事君之誼安所異同其間惟是恭繹修理城垣器甲等項應否動支前銀及原本事關兵餉的戶部卽與議覆之

明旨大哉

聖言真明見萬里之外矣查得臣部舊例各邊閏月軍餉從無額編俱用節省還官銀兩抵補自是相沿舊例今易鎮閏月之餉無所從出而嗷嗷耽餓之軍歷長夏深秋且未閏支分毫也臣請以沈際所查曠伍一項二千八百三十四兩六



錢扣還餉司一項一千九百八十三兩二錢  
象瑤設法收買一項二千六百三十一兩零放  
支糧布一項六百三十五兩零以上共銀八千  
八十三兩八錢准作閏月糧餉尚有不敷者令  
該道與該餉司通融湊辦俟日後再有節省申  
奏抵補請以今撫臣前道臣解經傳清出曠軍  
一項二千零百八十三兩零前道臣孫穀清出  
曠軍一項一千二百八兩零實補馬匹一項二  
百六十四兩零以上共銀四千一百五十五兩

准作修理城垣器甲火藥等用計工程以次而  
完什物以漸而辦有其舉之嗣報盈餘不妨繩  
繩續添且累一年而得一萬二千之多有道臣  
餉臣在其後政未可量也至於缺伍原額並屯  
折諸款臣前覆撫臣解經傳疏已備悉條列伏  
蒙

聖旨令臣部會同兵部移咨該撫覆議具奏合俟該  
撫奏到恭候

聖裁茲未敢贅惟是道臣沈廢家事親

國推赤與人向在閔門勞勩不愛勞庸今駐紮  
精神全注封疆假令秉憲提兵者皆得沈滯其  
人又寧致煩仰屋履其咨哉加銜之

旨已下銓曹臣無容越俎代陳矣至若餉司劉象璫  
於臣爲司屬臣止宜勉勵以勗其虔終萬不敢  
爲揄揚之言願

功令日申而重斲者不顧夫孰與象璫之約已奉  
公茹苦任事者哉此其貞心砥節知有

君國不知有身家者大過人者矣樞按二臣皆以

任

請臣伏查該司例應三年報滿於任不惟不久果其  
成勞弗替愈加茂勉節省倍多合無於竣日  
一體優擢爲各餉司榜樣可也伏乞

聖明俯賜鑒察施行

崇禎二年九月初十日具

題本月十三日奉

聖旨俱依議行欽此

題覆山西耿撫院清汰節省疏

題爲遵

旨清汰兵馬節省餉銀以紓

國用事邊餉司案呈崇禎二年八月初十日奉本部送戶科抄出山西巡撫耿如杞題前事內稱山西鎮三路據各道開報支糧官軍支料草馬羸比見在額數查通共少軍二千九百七十名少馬羸七千九百七十一匹頭歲省折色銀六萬六千一百三十二兩六分米六千二十七石

八斗四升豆一萬六千五百五十六石  
二十三萬五千八百三十束擬將此清查數目  
定爲經制通免再補其節省折色銀數併米豆  
草束於應發京運應解民運二項銀內照數額  
除等因奉

聖旨這查覈兵餉虛冒一清具見該撫任事其汰兵  
定制併節餉開除各與確議覆行該部知道欽此  
案查先該撫臣耿如杞題爲將吏積弊無窮軍  
民蒙誣已甚等事內稱查出山西鎮三路截贖

及垣曲縣地畝公田等銀共六萬三千一百一十九兩零米二十六石五斗五升零豆一千五百三十四石八斗五升當作節省照例貯各廳庫備餉項內用佐軍需少補二運之窮等因素聖旨這清釐營伍州縣積弊從前奉旨條議率屬奏効具見實心任事其節貯充餉科派裁革悉如該撫臣統馭提封凡事儘可措置乃民困餉急輒束手諉責本內又說有司將官痛革侵削卽加派欠餉不病軍民尤爲真切各邊腹督撫得人盡職

能補濟地方還通行申飭該部知道欽此

臣耿如杞題爲遵

旨查汰冗官冗役並議調補廳官事內稱通共裁去  
冗官一百四十七員冗役二千一百六十六名  
通共裁省銀二萬一千七百五十七兩三錢  
分五釐內除留抵

瑞府贍田銀七千八百四十三兩七錢七分外尚  
該銀一萬三千九百一十三兩五錢四分五釐  
扣解三關管糧衙門抵充年例等因奉



聖旨該部各與覆行欽此欽遵抄出到部送司奉此  
案呈到部除調補廳官及汰兵定制聽吏兵二  
部具覆並各邊腹督撫已經通行申飭外伏惟  
我

皇上臨馭以來惟是兵馬錢糧實厯

睿慮屢奉清覈之

旨不啻三令五申卽臣部恭承

明命日討軍實而求薄正蓋皇皇如也所幸一時邊  
腹督撫共襄維新之運舉銓曹牢內相沿蒙

灑然一變後先之別釐者歷事自至而  
如杞且如浹月之間而三具奏也豈非臣  
大快哉查山西一鎮原額主客年例銀二十萬  
六千三百兩民運折色銀三十六萬三千二百  
四十三兩平陽潞安二衛免班銀二千七百一  
十五兩草價扣抵新軍布花銀一百五十兩  
糧折色銀一千五百六十四兩七錢鹽引銀八  
萬一千三百九十九兩二錢六分歲共折色  
十五萬五千三百七十一兩九錢六分民運

色米一萬九千四百四十五石九斗四升本色  
豆五千六十五石四斗六升屯糧本色豆二萬  
五千四百七十九石四斗八升鹽糧本色米二  
萬七百石歲共本色七萬六百九十石八斗八  
升計該撫所報查覈裁省載在三疏者以銀兩  
則十五萬餘矣以米豆則二萬四千餘矣卽內  
有不盡隸於軍餉者然約略言之亦幾什節其  
二而又勤思民卹厚培物力舉將吏之夙弊徹  
底一清併

藩國之贍田不勞而供紀綱壁畫經濟博雅  
領葵映日之忠草偃風行之槩誠如

明旨所謂實心任事者也臣復查該省民運皆係歲  
供急需而本色視折色尤重毫不可缺邇來人  
情玩愒節年拖欠卽令勒限帶徵猶苦不敷合  
無卽以撫臣清汰項下所節省米豆共二萬二  
千五百八十四石五斗四升草二十三萬五千  
八百三十束存留該鎮聽撫臣樽節備用以抵  
民運及召買不敷之數良以事關軍需寧令積

於有餘無使嗇於不足也其三路節贖及地畝  
公田銀六萬三千一百一十九兩零米豆一千  
五百六十一石四斗零應如撫臣所請貯各廳  
庫用備軍儲其裁省官役銀兩除

瑞府贍田撥去七千八百四十三兩七錢七分五  
釐外尚剩一萬三千九百一十三兩五錢四分  
五釐今歲聽撫臣扣解三關以抵主兵迭欠應  
自崇禎三年起扣算臣部年例從此該鎮左藏  
充盈陳紅不匱俾茲執殳荷戈之士永無枵腹

脫巾之虞則皆撫臣力也至於清汰項下所  
省銀六萬六千一百三十二兩六分原係撫臣  
查出從前虛冒之數則以抵充臣部該鎮年例  
又應自崇禎二年爲始者也而臣部亦庶幾藉  
手以少逭於捉襟露肘之患矣再照餉以軍爲  
增減似宜事有定制然後規於畫一惟是撫臣  
心血幾嘔設處有據其所自爲問難不啻十慮  
畢集弗可易移確莫確焉伏乞

皇上俯賜鑒裁

勅下臣部遵奉頒布施行庶該撫之苦心克底於實  
績而提封賜履之臣爭益篤於勛勅也臣可任  
懇切待

命之至

崇禎二年九月初十日具

題本月十三日奉

聖旨這節汰本折額餉抵扣京民二運既經該撫確  
定俱依議各督撫仍遵前旨通行申飭該衙門知  
道欽此

題請三協新舊餉銀通融解發疏

題爲恭報巡邊回鎮謹述遼薊情形仰祈

聖覽事邊餉司案呈崇禎二年九月初六日奉本部  
送戶科抄出薊遼總督劉策題前事等因奉

聖旨據奏遼薊情形知道了明烽哨飭台垣邊臣本  
分內事理宜急切修舉班軍前准陳睿謨奏薊鎮  
量留一半着嚴查興防兵相兼繕築繕完工程具  
奏月餉該部按期給發汰糧補欠聽裁覈行舊兵  
方大任奏見額七萬五千九百六十八員名本內



何云六萬着再查奏及薊密昌餉司銷算數目臣  
奉屢旨何尚杳然戶部速催奏該衙門知道欽此  
欽遵抄出到部送司奉此案呈到部除薊密昌  
各餉司回奏已經臣部行文守催勒奏及邊垣  
繕築兵馬數目督臣自行奏覆外惟是糧餉一  
節督臣目擊戍人之忍餓耽饑迭欠有日而心  
諒臣部之拮据湊泊悉索無餘故以月餉宜時  
請而又祈以年來所汰者卽抵補積欠業已仰

厯

明旨俯准汰糧補欠聽裁嚴行與臣等恭承

明命高目思維督臣之所謂積欠者是從崇禎二年  
以前遡之逋欠之初計三協約共六十餘萬非  
揭之豪右則鬻其妻子誰無人心能不測然假  
令儲蓄裕如臣當不惜頂踵以爲此三協請命  
將徹底打算人人飽滿使驕軍不沿襲爲口實  
而疆場不卸罪於度支臣之私願也豈敢謂今  
所索欠之人非昔所實歷之人昔年每歲有數  
月之欠而安堵無言今年按季措發而又責以

抵補舊日之欠臣萬萬慮不能盡言所積  
查三協汰過新兵凡六千四百零五名約一月  
支糧不過七八千兩於以抵六十餘萬之風運  
非數年不可且奴計日蕩平放馬歸牛近在旦  
夕此欠誰爲徐俟况舊餉比月以來外解幾於  
中斷卽

聖旨屢頒糾叅日啓而疾呼卒無應者伏查春夏二  
季已經徵臣奏報自七月至今太倉庫止收過  
糧餉銀三十三萬二千七百六兩零隨到隨割

解銀官與領銀官覲面交割又搭派寶泉局

制錢六百五十萬文作銀一萬共計發過邊餉銀三

十四萬二千七百六兩零尚未敷秋季之半又

查太倉庫自七月至今止收過京支銀一十五

萬三百四十九兩零放過三大營及各官廩俸

與商價等項一十五萬四千五百五十兩零以

上邊餉京支七八九月共收過銀四十八萬三

千五十兩零共派發支放過四十九萬七千二

百五十六兩零內借動漕折銀四千二百一十

兩零原係派放米折者委緣羨無門無  
扯西補而臣之技已窮臣之憂滋深也雖食  
業已舉行裁扣次第報至該臣部已經再四移  
文勒催尚無有實解到部者且事例一款又經  
暫借工曹則今年之舊餉臣懼較原縮之額更  
縮也以倍縮之額而臣祇承按期給發之

旨犬馬不敢不勉恐臣之罪愈不能追矣合無容臣  
將三協新舊額餉照舊全發聽督撫仍前酌量  
緩急自爲通融恭摺

明旨所謂汰糧補欠者固已洞見於此卽如臣所謂  
抵補積欠者計莫先從眼前補起而俾崇禎二  
年絕無絲毫之欠以遺禍後來臣之意見似適  
相成而不相拂耳蓋使新餉無溢發之數則已  
幸有溢發之數不以佐舊餉之緩急而以塞從  
前之罅漏是何異一身之中左手聽其自爲流  
注右手聽其自爲痿痺也至於薊密新兵近聞  
擬調永平則此見在兵數向後不無增減流動  
然部發原有定額卽調發後三鎮合算亦仍舊

額給發稍以新餉之廢而補舊餉之訕限至年終爲止俟明年正月內臣部令新舊兩餉司逐一清算用過新餉若干一一補還且新餉亦非寬然有餘已蒙我

皇上睿照臣又何以舊累新而舊餉之會議裁扣及事例等項計明春必且畢集自可一一抵補無疑也抑臣更有所焉伏查冬衣布花除本色外共該找銀錢八萬三百餘兩目今朔風已翔號寒可念支放在邇時刻難緩臣一念至不勝戰

慄日夜思維別無可措查得老庫貯銀僅有二萬九千七百七兩五分五釐又寄庫羨銀三千八百七十一兩三錢六分刑部追解薛尚英何棟如夏嗣敬張世恩等贓銀毛汝昇黃禮倪選王登魁等還官銀西城兵馬司賑恤存留銀各衙門捐俸錢折銀共十項共計銀二千九百六十四兩七錢四分伏乞

皇上軫念臣部危急情形將前開各項銀兩共計三萬六千五百三十餘兩容臣借動措發布花在



寒軍視之不啻挾纊之仁在臣等視之無異江之水也內美餘贓罰銀共六千八百三十六兩一錢相應作正支銷其老庫貯銀尚該二萬九千七百餘兩俯容臣部少有贏餘照數抵補目前止是暫時權宜那借耳臣嘗稽萬曆年間老庫裕如後來支放殆盡竟以空匱貽

君父憂今老庫僅餘些須不滿三萬臣自受事以來自矢於守藏之誼願爲扇鑰不願爲那借不得已而効此剗肉療饑之請亦無可奈何之計也

而抵補愈不容已矣臣可勝悚息待

命之至

崇禎二年十月初七日具

題本月十一日奉

聖旨三協新舊餉仍按見月解發布花銀還嚴催外  
解給散老庫不得更借進表彙冊在邇一應完欠  
分別勸懲決不姑息你部再行與各省直官知道  
欽此

題覆宣府餉司荆之琦鑄息疏

題爲鑄局已成鑄息有定敬敘本末以便責成以  
勵後效事邊餉司案呈奉本部送戶科抄出

欽命督師行邊撫禦西虜總督宣大山西等處地方  
軍務兼理糧餉少師兼太子太師兵部尚書兼  
都察院右都御史王象乾題前事內稱據宣府  
餉司署郎中事荆之琦呈稱本年閏四月內奉  
督師軍門劄委及本部委同前事于軍餉內通  
融借銀一萬八千兩差官周太齊等分投山陝

荆衡等處收買銅鉛模鑄錢文  
鼓鑄都司經歷華起龍等於宣府右衛公署開  
開局擇吉於七月初一日各鑪齊鑄扣至九月  
終止共鑄出

制錢一千二百七十二萬六千七百文初照市價每  
六十文作銀一錢放過各軍三百七十五萬三  
千六百文值銀六千二百五十六兩嗣照京價  
六十五文作銀一錢已未放軍錢八百九十七  
萬二千一百文值銀一萬三千八百零四兩七

錢七分二項通共值銀二萬六十兩七錢七分  
除銅鉛價值匠作工食官役廩糧等項開銷外  
實計一季得息銀二千五百七兩六錢七分三  
釐約一歲可得銀一萬餘兩此利應作何項支  
銷果否著爲定例等因隨該督師會同撫按具  
題稱鼓鑄一事皆繇餉司荆之琦曾在南曹營  
局洞悉鼓鑄利弊守泮法嚴工匠不致作奸官  
役奉公幹辦實實生財兼之本官舉廢飭額軍  
民愛戴批卻導窳酋虜畏懷實爲一時邊才之

最擬令荆之琦益勵鼓鑄積有積錢一併  
及每歲所獲鑄息一萬餘兩或抵作該鎮京運  
年例或備買馬修邊等因奉

聖旨覽奏鼓鑄季報獲息卿前條議實行餉司才用  
槩見着遵承督鑄歲息作何支銷着一併議覆該  
部知道欽此欽遵抄出到部送司案查先奉本部  
送據宣府糧儲員外郎荆之琦呈亦爲前事因  
稱所用鑄本不敢另請分外之

帑金亦不敢久那額設之軍餉惟於崇禎元二兩

年鹽糧本折調劑通融既得裒益銀一萬八千  
餘兩又自萬曆年間至天啓七年各路召買零  
星之逋欠幾成烏有而職爲嚴督查比約追出  
銀二萬有零兄今收買米豆草束以實倉場約  
可抵省客兵召買四萬餘兩并備閏存積量移  
以充收買銅鉛之用其鑄出

制錢卽以搭放軍糧扣回錢價隨給官商買銅接濟  
週而復始生生不窮計一年之內截長補短約  
用本銀五萬自可獲息一萬有零等因蒙批司

查候

明旨行通呈到部該臣等看得鼓鑄之佐軍興計功最捷而出息無窮業屢經題

請隨試輒效者所虞鑄本無措作輟時乘兼之委用非人懲一廢百坐令講求徒勤鑪局廣置竟不見錢流地上耳宜鎮餉司荆之琦軫念餉訕毅然以鼓鑄自任奉到督師及臣部劄委隨於額餉內借銀一萬八千兩買辦銅鉛鑄造如法扣至一季已得利二千五百兩零比及浹歲應有



息銀萬餘此可持左券以待者惟是此項銀兩  
作何支銷伏奉

明旨令臣部議覆臣惟目下所共攢眉者無如額餉  
之缺無論該餉司不憚拮据正欲借此以濟緩  
急卽該督撫主議協力俾餉司得盡其長而開  
局興作懇憑獎成者凡以爲軍實計也歲以充  
餉著爲定例又何煩再計耶此外仍有該餉司  
所裒益盈引本折一萬八千餘兩併追出各路  
召買累年零星逋欠銀二萬餘兩二項共約銀

四萬兩原係餉司所贏自難用之餉外補用  
併抵充年例至其所需鑄本亦應仍前於例餉  
內那用據該餉司稱每年約用鑄本五萬兩合  
於臣部措發年例內借二萬五千兩於該鎮民  
屯內借二萬五千兩流通灌注如環無端發之  
卽是月餉而貯之則爲鑄本該餉司饒有妙運  
當不難於措辦者也查往歲二運多半負欠該  
鎮尚爾撐持臣從元年以來歲額完數今民運  
又屢經申飭其中儘可那用一任該餉司通融

從事耳至該餉司荆之琦急公雅志救時長才  
已經督撫入告

明旨褒嘉臣部何敢再贅第以二十六年之甲科而  
俛首郎署今既節省數多倍徵苦心且奉遵承  
督鑄之

旨合無查照近題事例量加四品服俸或咨吏部紀  
錄優擢用示寵異令各餉司益知所勸

恩典取自

上裁臣部難以豫擬蓋餉司之不肖者臣不敢爲之

私護餉司之賢者臣又不敢不爲表揚也  
茲濬于不涸之源以廣裕軍儲在此舉矣伏惟  
聖明裁察施行

崇禎二年十月十八日具

題本月二十二日奉

聖旨這鑄息及鹽糧節銀已有旨准該鎮修邊急需  
荆之琦資深勞著量加服俸以需優擢該部知道  
欽此

虜情孔棘謹陳緊要餉運機宜疏

題爲虜情孔棘警報狎聞謹陳目前緊要餉運機  
宜事邊餉新餉司案呈本月初一日奉本部接  
薊遼總督劉策揭帖具疏爲黠酋入犯危同疊  
邠懇乞

聖明破格發兵發餉亟

賜救援以保衝邊事內稱本月二十七日寅時有賊  
夷七萬人犯中協地方一從大安口進於湯泉  
扎營一從龍井關進於漢庄扎營勢甚猖獗此

番舉動似非犯搶比者以任事之難地勢險要  
事欲曲遂其必濟之心決非拘泥常格所能勝  
任而愉快者伏懇

勅大司農給月餉十數萬以果其腹并

勅大司馬發精兵數萬以大其烈更望

勅督臣袁崇煥出精銳以截其後則大兵拒殺於關  
內以挫狂逞伏兵邀截於口外以斷歸路庶可  
張撻伐而固邊圉等因到部送司案呈到部先  
是臣部於十月二十九日接兵部咨爲緊急夷

情事內稱東奴踰遼而犯薊鎮大安等口中協  
官兵迎擊失利事勢孔棘京營及鄰近各鎮官  
兵業行咨調應援第師行糧從萬不可緩希速  
行措處等因咨會臣部臣卽批行新舊二餉司  
速查兩庫錢糧儘庫內所存貯奏以續到外解  
計發薊鎮新餉銀一萬兩舊餉銀二萬五千兩  
密鎮新餉銀一萬五千兩舊餉銀二萬五千兩  
永鎮新餉銀一萬兩舊餉銀一萬兩昌鎮舊餉  
銀一萬兩又恐調及津兵復發天津新餉銀七

千餘兩俱行兩庫星夜兌發各該管領運移會兵部撥兵護送訖又據五軍等營副將施洪謨等呈稱防護通州官軍馬匹并標兵營塘撥官軍馬匹每日該廩給口糧料草行糧銀三百七十四兩二錢四分臣隨批庫先給十日共發銀三千七百四十二兩四錢又兵部標營兵馬發薊州防守護送解邊錢糧其應給行糧先給半月該銀一千七百一兩四錢五分又密雲護送錢糧兵馬行糧銀二十五兩俱行該庫星



在兌發各營委官給散訖臣正擬具疏奏

聞而薊遼督臣請破格發兵發餉之文始至夫發兵  
採援在樞部自有定畫而發餉則臣部事也犬  
羊匪茹敢於深入爲寇分營劄陣猖獗異常此  
乾坤何等時尚敢拘泥常格不亟爲供億也自  
聞警報以來總計臣部發過薊密永昌天津新  
餉銀四萬二千餘兩舊餉銀七萬兩京軍行糧  
銀五千四百六十八兩五分而新庫已如洗矣  
蓋新餉隨解到隨即兌發從無宿儲况月來之

外解更零星皮襖馬價之支用復索濫何能  
匱至舊庫今所存貯者止有京糧銀老庫銀及  
贓罰絹折等項通計不過十萬許耳萬一徵調  
四出需費不貲卽仰懇

聖明權宜借用徐俟補還如以勺水投焦釜何濟於  
用查往例軍興事急皆那借罔寺及節慎等庫  
銀以救然眉臣爲今日計除一面飛檄告急提  
取外解并差人守催京邊加派及各運司鹽課  
之起解在途者前來接濟外第恐鞭長難及事

迫呼吸勢不得不倣已往成例向各衙門那催  
又不得不預告

皇上自蹈臨渴掘井之愆以悞軍

國重務也臣草疏已畢適薊州領餉委官郝奎光  
稟稱虜信孔亟願解銀兩不敢前進只得暫寄  
通州官庫又永平委官喬栢林稟稱月餉雖經  
兌發途間勢甚危迫難以前運又關內外領餉  
委官陳諫等稟稱未有虜報以前領解關內月  
餉銀二萬三千餘兩關外月餉銀四萬五千兩

行至三河地方邊報洶洶道路梗塞勢難前進  
只得將銀運回通州城內稟官寄貯等因臣聞  
之心膽俱碎夫臣部無餉猶可旁呼寅案異將  
伯以助予再或仰籲

君父望

天恩之下濟至于有餉不能運則勢更危矣強敵託  
於門饑卒譁於室金錢空頓於千百里之外督  
撫眼穿於億萬人之中薊門兵食兩窮關寧行  
守無具封疆之事誠有不忍言者臣卽攢眉摧

處轉輸不絕亦何益于緩急之數哉又通州倉儲爲

國家命脉所關亟宜選將調兵據城防護露積凍糧臣已檄行通糧廳允通軍急陸運但恐爲數無幾又恐緩不及事近奉

明旨允倉塲督臣南居益之請飭令沿河有司軍衛畫地分守尚恐散漫水濱未易綢繆連日天暖河水復泮合行督臣查漕舟在務關上下者除酌量允運外姑令退回津門以保無虞其運官

有遄發回津漕糧無損者特爲紀錄優敘以  
其勞至於尾幫津截亦宜速爲從事庶收歛  
而進止協不至坐賫盜糧耳伏乞

勅下兵部同臣部從長計議作何設法護送邊餉以  
便接濟并亟選將調兵防守通州倉儲以固根  
本仍

勅倉場督臣速查務關上下漕舟督令回津遠避以  
保無虞封疆幸甚臣部幸甚臣在計言計披瀝  
血誠不自知其有當與否伏乞

皇上採擇施行臣等無任悚息待

命之至

崇禎二年十一月初二日具

題本月初三日奉

聖旨覽奏卿拮据籌餉知道了援餉軍犒預儲護運  
事宜樞臣熟議酌行務期萬全外解在途的差官  
速催仍着地方有司多發兵役防送漕船昨有旨  
收歛西岸這奏退回津門熟爲穩當部廳倉漕各  
官隨宜措置通允陸運急並施行該衙門知道欽

此



給發副將申甫新兵行月本折糧草疏

題爲給發新兵行月本折糧草事新餉邊餉二司  
案呈十一月二十九日奉本部送戶科抄出該  
副總兵申甫題爲緊急軍需事內請銀二萬兩  
奉

聖旨所請銀兩如數給發該部知道欽此又准叅佐  
軍務山東道監察御史金聲手本內稱據副總  
兵申甫手本內開招募數近一萬其月餉廩糧  
煩爲徑咨戶部請發二萬兩給散俟招完各兵

練就出師之日開銷併行糧查照遼東新兵  
餉例每兵米五斗除前收三百石外再請一千  
二百石馬草每四束折一束每束十五斤蓋場  
草論斤不論束連前解過五千束共請四萬束  
豆連前解過一百五十石共請五百石等因到  
司案呈到部該臣等隨創新餉庫除前解發鹽  
菜銀四百五十兩外今解銀二萬兩當於初一  
日照數解發訖又差照磨萬鍊分催各倉場趙  
運糧草如數接濟隨行安仁坊解過草一萬五

千東西新倉發過米三百石雲南司發過豆二百五十石餘卽陸續補給指日通完臣等所共慶者援兵四集勇士日充主客之聲勢漸合而捷代之

大威方振蠢茲小醜何異魚遊釜中掃除殲滅近在眉睫臣等所滋懼者當此數百年非常之警臣等犬馬拮据奔馳供應卽兩庫折色臣等前疏備載數目奉

旨通融那用行將俱匱祇緣虜騎狂逞道路梗澁無

論外解不至卽鹽課不知抵於何處且自開  
後旬日以來併無市販料豆臣前移咨都察院  
轉行五城而竟未聞收買顆粒臣等計日應辦  
千有餘石從此各鎮援兵俱集所費又不止此  
惟有高糧可代料豆而市肆亦稱闕乏總之米  
與草尚可足用而銀與豆其餘無幾臣等誠惴  
惴慮之矣所有支過行月糧銀合行題

請作正支銷至於料豆不敷仍乞

勅令五城御史協同臣部速爲收買施行臣等可任

悚息隕越之至

崇禎二年十二月初二日具

題本月初四日奉

聖旨新兵給過本折糧草知道了申甫所請銀兩已  
着內庫發訖爾部所發的撤回別用料豆着五城  
協同收買外解鹽課仍催接濟欽此

題發昌鎮兵餉疏

題爲懇請兵餉火藥急捍

祖陵以抒

聖懷事邊餉司案呈本月二十五日接到戶科抄出  
整飭薊州等處邊備兼巡撫順天等府地方都  
察院右僉都御史梁廷棟題前事奉

聖旨陵寢護衛緊要這昌鎮撥兵駐防及給發額餉  
等事各速覆行該部知道欽此欽遵抄出到部送  
司查得昌平撥兵駐防聽兵部覆行外其給發

額餉係本部職掌相應題覆案呈到部該臣等  
看得昌平當宣大之要衝北拱

陵寢南護

神京當此賊騎充斥防禦宜周向使兵有庚癸之  
呼其何以鼓敵愾之勇臣部職司度支蓋於新  
撫奏牘未至之先固已早見而預圖之矣案查  
該鎮崇禎二年分該年例銀一十二萬四千五  
百一十六兩零虜警以前僅發過八萬二千兩  
虜警以來給發三次共銀二萬五千兩內有五

于尚未成行頃前餉司李之茂急呼請代新餉  
司宋開春冒險星馳臣部念係

邊疆重地恐軍餉不贍卽於今月初十日又發銀五  
千兩同前共得萬金携去通計年例已發過十  
一萬二千兩未發僅一萬二千五百一十六兩  
零耳粵自虜薄城下內外軍兵環呼索餉勢不  
得不酌緩急爲先後而該鎮關係甚重臣實未  
嘗須臾忘念除前發外近又發餉萬金卽令新  
餉臣宋開春自賁以往想新撫猶未之知耳及



查彼中鎮道具揭撫臣僅求數千業已給知臣部置詘之狀而臣部所發萬金固已溢其所費以此接濟目前便可果軍腹而作士氣筆

陵京磐石之安妥

列聖在天之靈俟旦晚間夷氛撲滅外解輻輳自當按額續發通完所賴曉譬鼓舞比於醪續是在鎮道諸臣加之意耳

崇禎二年十二月二十六日具 題本二十八日奉

聖旨是欽此

京軍出防同體行糧多寡異額疏

題爲京軍出防同體行糧多寡異額謹酌議具

奏仰祈

聖裁以一經費事邊餉司案呈奉本部送據兵部標  
下中軍張復顯具領爲出防官軍選鋒廩給口  
糧料草銀兩事領狀到部奉批司查奉此案查  
京軍出防共四起一起標營中軍張復顯等一  
千名原發薊州防守併護解邊糧之用嗣因逆  
虜勢逼不克赴薊撤通衛糧其應給行糧相

月二十九日起至十一月十三日止計  
給過太倉銀一千七百五十三兩五分又自  
一月十四日起至十二月十四日止計一月  
領銀委官稟稱於通糧廳支領銀數未報今  
十五日起至三十日止又領銀一千五百七  
四兩四錢此一項也一起係五軍一營

神機一營

神樞一營共官選三千一十九員名原發防通  
行糧數目與張復顯等相同自十一月初一

起至本月二十日止計二十日共發過六倉銀  
六千九百八十兩八錢內叅將尤岱於十一月  
二十七日分領一千四百員名回

東便門防守自十一月二十一日起至二十六日  
止見在具冊請討補支銀九百九兩八錢四分  
尚餘二千十五員名守通今自十一月二十二  
日起至十二月二十日止又領銀五千七百二  
十四兩六錢此又一項也一起係標下中軍副  
總兵巢丕昌卽張復顯一營內增調火器軍壯

四百名每名每日口糧銀八分自十一月初三  
日起至本月十四日止計十二日共該銀三百  
八十四兩於太倉庫支給訖以後未見具文支  
領不知何故此又一項也一起係總協衙門遴  
選聽用驍勇將官三員有馬選鋒三百名廩糧  
草料比照出防通薊之例官每員每日銀五錢  
馬軍每名每日銀一錢五分自十一月初十日  
起至二十四日止計十五日共該銀七百二十  
四兩五錢於太倉庫支給訖內千總陳三才於

十一月二十七日分領二百名隨尤岱來京見  
在具冊請討銀九十兩二錢六分回京防守  
尚該一百餘員名不知仍在通否此又一項也  
雖先後時日不齊俱係防通支餉之軍各該官  
軍生長

輦轂之下前因虜倣初聞一旦遠出戍守故糧料不  
得不厚今京營出防者不止張復顯等數起卽  
防通之軍亦且撤回一千二百餘名矣及查京  
營在城出城官軍日用廩糧俱經本部題奉

欽依副將每員每日廩給銀五錢實授叅遊都司員  
給銀三錢守備銀二錢千總銀一錢把總銀八  
分旗牌銀五分軍選米二升折銀二分又鹽菜  
銀三分共五分馬每匹每日草一束料豆三升  
遇折共給銀四分今據防通官軍領狀數目內  
開中軍日支銀三錢千把總日支銀二錢軍選  
每名日支口糧銀八分戰馬每匹日支草料銀  
七分似與近奉

欽依則例多寡懸殊等因案呈到部該臣等看得逆

奴犯順防禦爲急且時序嚴凝冰霜凜烈各宜  
軍操身命以衛封疆賢餘勇而作前茅先是總  
協會議一切糧料草束不妨稍從優厚以示鼓  
舞激勸之意一人一馬支至一錢五分初僅支  
十日耳以爲遂援爲例不支於通而索於京今  
且兩閱月矣臣部不便輕爲更張一切防通兵  
馬俱照總督冊開數目支給未敢議減卽各鎮  
赴援兵丁亦未得比爲例也雖其在通日久中  
間未卜有無支領本色亦俟查明另議今未便



遠扣也嗣後京軍出防如施洪謨袁信等且  
千有奇而前此京軍防通者近復漸次撤回  
千二百餘人爲

都門守禦之用其在京官軍各廩糧料草俱不額  
題則例又奉

明綸遵行而防通兵馬仍然以前數取盈夫在通以  
內與在京城以外其勞逸則有間矣無論庫藏  
匱乏廩糧溢格於事理有所不協於經費有所  
難繼卽以該營之撤京與守通者相提而論其

多寡懸絕亦最易起人缺望之心而有同體異  
視之嘆也萬一將有後言軍皆比例是人情經  
費兩遺不平之感臣固惴惴然憂其卒也近見  
兵部及總提協有疏欲盡撤此軍回京儻亦有  
見於此乎合無仰祈

聖鑒將防通各官軍糧料除支過外其未支者以後  
俱照施袁二副將出防兩管題明則例一體均  
支庶經費畫一人情格守卽有奢望亦不得無  
端啓釁矣但豐約取自

上裁臣部未敢擅便

崇禎二年十二月二十七日具

題崇禎三年正月初一日奉

聖旨這防通官兵糧料着照施洪謨袁信例一體行  
欽此

覆御史饒京條議兵餉疏

題爲兵餉所需甚急敢再申前疏以圖力行以救  
然眉事邊餉司案呈崇禎三年正月二十一日  
奉本部送發該江西道監察御史饒京題前事  
內稱臣於崇禎元年六月首具微臣忠惓居先  
一疏內條陳兵餉便宜三策已經戶部題覆卽  
於元年七月咨行各省直矣到今已歷一年零  
七個月不知曾有改抵否可是州縣徑解否臣  
恐怠忽相沿竟成錮疾部咨山積一寓日後頻

年高閣及叅罰登至亦付之無可奈何卽令  
官守催終是遷延歲月臣巡視太倉見外解寥  
寥庫藏如洗掛欠甚多仍坐是弊臣以爲差無  
關輕重之官從容乘傳不若責之督餉之御史  
卽日分途飛檄在各省則責成布政在直隸則  
責成知府將貯庫錢糧不拘何項那借全抵新  
舊二餉限文到十日起解以救目前之急不兩  
月而外解可畢集

闕下矣暫行一時之撙括借助兵餉不若將全書會

計逐款較量以堪動者永改充餉以有心人爲  
之自持籌得當可不必加派民間一分而足添  
百萬之餉矣年終查叅久成虛套而府州縣又  
互相推諉不若專責之州縣輪流每年分作兩  
解五月春夏餉銀不到六月叅處十一月秋冬  
餉銀不到十二月叅處立一定之法庶不至愆  
期矣今日需餉甚急未可仍以虛文相冒也等  
因奉

聖旨饒京前疏部已覆行如何省直未見遵報目前

催糧摺助現經部議遣官追奏細數全書會計及  
州縣歲輪兩解法俱可行該部卽與議覆欽此欽  
遵傳發到部送司案呈到部該臣等看得三軍  
資糧餉爲命脉糧餉賴省直以灌輸乃今奴督  
猝報於薊門揔虜挾賞於宣大此乾坤何等時  
也關寧九邊總屬洗釜待爨新舊二餉不啻燒  
罄鼎耻茲雖差官催餉立限到京尚屬望梅之  
計難作果腹之圖凡嘉謀嘉猷有裨餉務者政  
臣部之所禱祀而求也案查崇禎元年六月內

江西道御史饒京有徵臣忠惻居先披陳獨後  
一疏內言三事一在清補無額之餉一在嚴定  
解銀之期一在藉清餉爲清兵之法奉

聖旨邊事大壞實實整頓是今日急著州縣堪動銀  
如奏內諸項原爲百姓已輸的儘可濟邊各處此  
類不少省直撫按官細查改餉其定外解之期輸  
解縣官踰期降罰以清餉清兵俱鑒鑒良策該部  
速覆行欽此嗣該臣部於七月內逐款議覆奉

聖旨這本內綾紗紙張乾魚麻鐵俱係供用之物不



准改餉餘改折及解期清餉斟酌施行  
欽此已經通咨省直遵行去後迄今爲時許矣  
而堪抵之餉未報鎔銖起解之文猶沿故套臺  
臣蒿目時艱再申前疏欲將賦役全書逐款較  
量扣抵兵餉又慮司府解銀愆期議責州縣輸  
解是皆籌餉之苦心救時之急着也查得賦役  
全書一事臣部題奉

明旨開局設官監以科道悉心較量務得堪動銀項  
永改充餉而以事難遙度須賴撫按裁定嗣值

軍興遂稽時日近福建裁定簡明冊已到頗極精詳可以爲法比者催餉京卿

命四出臣又題令會同撫按徑自清查扣解頃又祇奉

明旨賦役可裁的先行扣解不待書成是臺臣所言業已見在舉行此後務期中外同心俾令額編不急之用盡作兵糧維正之供則補餉生財之至計也至於轉解之法尤須講求夫州縣轉解於司府而司府轉給於解官紆迴已多時日盡

曠又或贈耗不免靡費滋深州縣苦之  
徑令州縣輪解進京亦直截痛快之法也但恐  
偏僻州縣近多裁減則州縣之備員者少名位  
相等催督難行則有司之愆期者多竊意輪解  
之法首宜行於江南四府及錢糧煩夥富庶之  
州縣每三四州縣便可輪番矣其中小州縣大  
約不出十處之外或一府共爲一起或一府分  
爲幾起則此法亦可行也果遵此法行之如五  
月春夏餉銀不到六月叅處十一月秋冬餉銀

不到十二月叅處不得拘於往例仍令預向司  
府起文徑自解京司府亦須不時稽查加意督  
催毋得藉口因而卸擔若夫貧瘠下邑零星錢  
糧照舊彙解司府轉解入京各從其便庶起解  
有一定之程而新舊無不完之餉比之舊例年  
終查叅之法更爲緊促詳密昔人所立州縣佐  
領給文欵解之法亦是此意但佐領欵解之時  
多有徵求無厭私充橐囊而苦累小民者茲之  
州縣輪解亦不可不爲預防耳古稱有治人無

治法又在撫按司道斟酌民情土俗務求便宜  
無容膠柱鼓瑟者也既經具題前來相應覆

請恭候

命下臣部移文各該衙門遵奉施行

崇禎三年二月初七日具題本月初九日奉

聖旨這省直堪動錢糧查那抵餉奉旨年半如何通  
不遵報該撫按官好生違玩州縣歲輪兩解酌量  
地方大小各分起數踰期叅處該部嚴行申飭俱  
俟差催各官回奏以定功罪該衙門知道欽此

覆江西巡按范復粹題議京邊漕糧疏

題爲恭承

勅旨目擊弊源敬陳京邊捷完之法直別漕糧遲完  
之故仰祈

聖斷急爲申飭以全

國課事邊餉司案呈崇禎三年正月二十五日奉  
本部送發巡按江西監察御史范復粹題前事  
等因奉

聖旨錢糧積逋皆因有司那移別用這奏將年前所

徵先解京邊足額仍將每月徵收申報上官  
是軍器內供等銀亦係急需還與京邊同解一體  
考成着嚴飭各省直依法遵行漕兌折乾係該省  
積弊着地方官痛革挽正該部知道欽此欽遵傳  
發到部送司案呈到部該臣等查得京邊錢糧  
係軍

國之急需輸辦及時猶或虞其缺額若夫銀力二  
差強半役胥工食稍緩其期亦不爲厲乃江右  
於京邊則派壓徵借令隨完隨解已遲迥淡歲

矣於差銀則派見徵甚且預借透支無復底止  
是見徵者自見徵而壓徵者自壓徵先其所緩  
而後其所急正額積逋職此之故宜按臣目擊  
時艱而激切言之也合如按臣議斷自今歲爲  
始各郡邑將年前所徵者先解京邊遠餉此外  
若軍器內供等項遵

旨一體同解載入考成以漸復見徵之制各州縣仍  
將開徵收銀之數一月一報兩院藩司俟京邊  
遠餉



內供盡數解完方准支給工食其罷職有司者  
狗請托妄意扣除先工食而後京邊遼餉者事  
發叅究則正供可望其早完亦足

國催餉之捷法也案查先該直隸按臣田唯嘉題  
爲巡歷事竣敬陳一得疏內議自崇禎三年爲  
始本年額徵錢糧止許納本年之額不得那後  
補前徵完銀兩按季先解京邊遼餉次解用糧  
末後方許支放俸糧工食如有那移州縣官坐  
罪降處府官不查舉者同罪等因奉有錢糧

納本年酌議覆行之

旨臣等覆加酌議大抵欲絕那移之積弊急正項之  
錢糧凜查叅之

功令與江西按臣所陳京邊捷完之法不約而同  
其籌

國之恩深矣江右漕糧輸納必繇糧戶家殷戶實  
原可粒粒完官無奈徵收之法藉手經催止圖  
乾沒甘心半折如崇禎二年人戶之米先收於  
天啓七年崇禎元年之前每米一石額價六錢

歲一年折四錢而收之先二年折三錢  
迨開徵糧欠又向諸糧戶借下年之糧以賠之  
年復一年極重難挽輸納之遲皆繇於此合如  
按臣議以開徵之日爲始設立官簿官票悉用  
印鈐凡斗升勺合皆當官登記各糧戶以領印  
票爲照其開徵以前凡係私借升斗皆爲私債  
俱不准算敢有故違明禁影射作奸者卽以侵  
冒官糧之罪罪之至管糧之官佐貳首領自有  
司存無容吏書鑽管叢蠹將見積弊一清輸將

必蚤亦漕糧挽遲爲速之要訣也以上二款衡  
正供之緩急而先其所重則額賦不匱於那移  
矣探漕兌之根源而力爲搜剔則本色不窮於  
改折矣按臣目擊最真處分最確故言之親切  
而有味如此所當亟爲申飭通行省直依法遵  
行痛加挽正者也旣各按臣具題前來相應覆  
請恭候

命下臣部移文各該衙門遵奉施行

崇禎三年二月初九日具

題本月十二日奉

聖旨這錢糧徵解先儘京邊遠餉內供等銀併漕糧  
設立薄票納戶當官登記不許經催預折該管官  
嚴禁吏書積弊俱如議各省直一體飭行欽此

覆宣鎮樽節等欸扣抵餉銀疏

題爲擬立歲報之新規兼述勉圖之實事并瀝愚衷仰祈

聖鑒事邊餉司案呈崇禎二年十月二十日奉本部送戶科抄出宣鎮原任糧儲郎中荆之琦奏前事等因本年十月十一日奉

聖旨這條奏歲報錢糧開明四柱及樽節等欸有裨餉務卽與議覆責成各路糧官一體申飭行該部知道欽此又該戶科叅看得泉府之利自古記之

惟是不得其人以致侵漁不已消極無幾  
不存利將焉往荆餉司多方區畫子母相生  
可省京運萬餘金若使銅鉛既集爐冶不乏  
源之利又奚啻以萬計哉則夫久任以責成  
功優叙以風諸鎮俾呼庚者有續命之膏持  
籌者有涓滴之助詎于

國計無小補也抄出覆之等因送司本年十月  
二十五日又奉本部送戶科抄出宣府巡撫郭之  
琮題爲預籌修邊錢糧用資版築以固疆圉事

本年十月十九日奉

聖旨邊工緊要這見在各項銀七萬兩准修築用京  
運不敷追完召買銀二萬兩作正開銷其該撫前  
請汰節五萬此後應否量扣抵額一併酌覆該部  
知道欽此欽遵通抄到部通送到司案呈到部該  
臣等看得字似逼臨虜穴凡沿邊之戍卒及緊  
要之城堡最宜加意綢繆故主客官兵之額餉  
出納務極分明城堡墩臺之頽廢繕修務極完  
固倘額餉分明而復以樽節生財之餘移爲



城葺堡之用又足以徵籌邊策餉者之苦  
爲臣部之所嘉慕者也今據該鎮糧儲原任  
中荆之琦疏擬於一歲之周作爲截住統算之  
法管收除在項欸犁然出入收支錙銖不爽又  
於鹽糧樽節出米豆二萬有零鼓鑄每歲約可  
獲息銀一萬餘兩歷年積逋追完過二萬有零  
而又通融打算若鑄本之借過減哨汰馬等銀  
三萬一千三百餘兩隨借隨扣追逋之二萬餘  
兩因原出自

帑金請作正項支銷樽節鑄息二項另款摘出此  
皆經年任內之勉酬而酌濟盈虛裒益多寡令  
司餉者人人若此臣部又何憂匱乏哉則夫久  
任以責成功優叙以風諸鎮科臣解學龍該鎮  
撫臣郭之琮交相獎借固

聖恩所不靳也見今

新綸寵被秉憲一方俾之始終銅務除責成各路糧  
官將米糧料草垸底清查刻限開報餉司臣等  
奉

旨通行申飭外其鼓鑄一節惟餉司難之預備知  
廢故獲息倍多古稱有治人無治法故必法無  
遺奸始可利垂永久請凡商委之有無那移爐  
匠之有無侵蝕銅本之借動何項錢息之充餉  
幾何亦宜按季清查按年截算則夫季報之循  
環與年終之

奏繳此鼓鑄見行之事宜而亦該鎮所當倣而行  
者也臣又據宣府撫臣郭之琮疏緣該鎮西邊  
一帶沙灘之地延袤六堡共計八十餘里顏廢

幾盡查照前行酌估工價約該口糧米六萬四千一百餘石鹽菜工食銀四萬二千九百有奇樞臣已發馬價銀二萬兩以資經始復請前餉司荆之琦題報追逋生財三萬餘兩并該撫撙節銀二萬餘兩連兵部前發馬價二萬兩共七萬餘兩准作上下西路目前備邊之用具見奏土至計但修邊之需與守邊者之餉緩急不并且修邊無不了之期京運苦不敷之額

聖天子明見萬里之外臣仰讀

明綸一則曰京運不敷追完召買銀二萬兩  
銷一則曰其該撫前請汰節五萬此後應否  
扣抵額區處邊情真出臣等諦想之所不到  
從容中道者也臣等覆加酌議除追完積逋  
萬兩仍作正項開銷外其餉司荆之琦原報  
息一萬兩鹽糧本色樽節出米豆二萬有零  
該撫樽節銀二萬餘兩連兵部先發馬價二  
萬兩統計本折共七萬有奇合聽該撫隨  
便動支分給各官燒灰辦料若有不足准  
催河南班價

與今年樽節奏以支用務要分工並舉刻日計  
成工圖之日仍將役過夫匠用過灰料動過錢  
糧完工日期該撫逐一具奏開銷再查該撫前  
報清汰節省銀五萬兩今據報五月初樽節起  
至十二月止內除八十兩月免扣外共七箇月  
得銀二萬五千有餘又今年春季樽節便可得  
銀二萬餘兩則該撫所報每歲汰節五萬兩鑾  
鑿不虛但欲以此抵充年例寧留有餘以贍正  
額毋苦不足以貲支撐合議城堡修完之日每

年於節汰五萬內量扣二萬五千兩并鎮  
萬兩共三萬五千兩永充該鎮之年例可也其  
節汰銀尚餘二萬五千兩仍留之該鎮以供抽  
補逃亡充實管伍之用以備修築牆堡經費意  
外之需則餉額分明源清流裕城堡堅完戰勝  
守固京運收涓滴之助邊圉鞏磐石之安其有  
裨於餉務利益於封疆豈淺淺哉既各題奏抄  
叅前來相應覆

請恭候

命下臣部移文各該衙門遵奉施行

崇禎三年二月十六日具

題本月十九日奉

聖旨是欽此



覆戶科葛掌科立催糧限單疏

題爲外解難緩催法宜擬敬陳一簡便法乞嚴責  
成以佐軍需事邊餉司案呈崇禎三年二月初  
五日奉本部送戶科抄出戶科給事中葛應斗  
題前事等因本月本日奉

聖旨這所奏工食透支京邊拖欠司府那借胥吏侵  
沒情弊灼然註單報部嚴限查叅催法亦簡捷可  
採足見該科留心國計該部速與覆行欽此欽遵  
抄出到部送司案呈到部該臣等看得逋賦之

盡京邊與煩擾之害催科弊所繇來久矣臣等  
蒿目持籌冀得一直捷簡要之法如振綱携轡  
然令上下易於持循而期會可以必至臣讀科  
臣葛應斗註單之疏而不得不服膺其說也疏  
中所云工食透支司府那借胥吏侵沒種種情  
弊不啻燭照數計乃其議先京邊後存留責司  
府省繁文請

欽限繳單一節任土作貢倏若列眉一紙程限凜於  
簡書其爲

國計抑何詳而確精而核也臣簡查往例臣部原  
任尚書郭允厚題照會計冊倉口本折創立清  
單每年州縣各給一張至十一月內守巡道將  
州縣清單類送本部移會科院考成又置季會  
清冊如崇禎三年清單清冊卽於崇禎二年六  
月初旬題

請頒發業奉

俞旨永著爲令遵行在案則臣部發單之期非不預  
責成之令非不專而完納猶自逾期積逋未見

清楚良繇緩急期限不繇

欽定司府州縣仍玩部單爲虛文而故事應之甚甚  
并單沉匿不繳誠有如科臣所言者州縣以輓  
長不及司府以隔膚不切上下層疊彼此耽延  
俾良法曠於持久而實益不能坐收臣等深惟  
科臣之議敢不黽勉劈畫共襄其事查臣部原  
發倉口清單照會計冊臚列甚詳州縣各給一  
紙而無司府之單州縣錢糧旣完卽將原單填  
寫用印繇守巡道類送本部此爲稽查完欠俾

司府不得那借州縣錢糧而州縣之急公者得以自見卽玩愒者亦將猛然深省耳今科臣之單專重立限似與前單小異今議再置完解限單一式凡一應京邊錢糧止於彙算總額不必細開欵項部科掛號立限各省發布政司直隸發府而州縣之單則止以本部及戶科掛號印信空單聽司府填發其立限法以全額析爲十分以十分析爲十限自正月至十月各完一限每限務完十分之一司府至州縣單式皆然大

省大府每月一單共爲十單中府兩月一單  
府止分春夏秋冬四單春夏秋每三月爲一單  
冬季止十月一月爲一單錢糧陸續起解一單  
無妨分作數次其各州縣各總發一單聽該司  
府填寫分作十限俱於每年孟冬先期頒發今  
歲雖已稍晚而按月定限尚可補填其道里最  
近密邇

京師者則按月輸將其道里稍遠及最遠者雖定  
限亦如前法而有每季通融之法在如正二月

不能抵京則於三月通完總不出春季之內非  
是則有罰夏秋季亦如之至冬季不通完尤重  
其罰蓋州縣催科多定於十限今卽以其徵諸  
民者解之京仍用此法而司府之催督有司臣  
部之責成司府亦卽用此法不緩不急簡易直  
截真上下兩便之道也逮十一月以後無論完  
與不完司府將原發限單并州縣限單清單俱  
彙齊呈繳卽以其自填者據實查叅夫復何辭  
若各省直之中民知好義官獨急公有不數月

而完一歲之局者又不在此例止於起解  
之日題

請旌異用示鼓舞可耳

欽限既定則數目有畔岸查覈有把柄州縣無先立  
後解之弊司官無諉責卸擔之階積書無那移  
乾沒之弊於以剔夙蠹而充軍實在此舉也其  
轉解之法或差官或差吏役或各州縣各解或  
各州縣輪解或徑解大倉或轉司府轉解悉聽  
從州縣之便不必膠柱鼓瑟其叅罰之法既有



定限則單到者固可據單以叅卽單不到亦可  
按限以叅查臣部原有季會冊而科臣解學龍  
近又議有季叅一法則於每季之終司府各繳  
一季限單州縣完欠是否如限聽司府造冊彙  
報擇其逋欠數多者摘而叅之可也又臣部新  
舊二餉原有半年截叅法又有歲終查叅及進  
表查叅法而臺臣饒京亦謂六月內查叅春夏二季  
十二月內查叅秋冬二季意實相通仍俟半年  
及年終照舊舉行總之仍以截叅歲叅爲主而

以設立限單及季叅之法輔翼而行庶免積弊  
滯礙之患所謂殊途而同歸並行而不悖者也  
敢因科臣立言之意而直闡其作用如此若從  
前積欠亦容臣部查明另行開單帶徵酌限回  
銷移會該科據實叅處此又清銷積逋之法所  
當一并申飭者也既經科臣具題前來相應覆  
請恭候

命下臣部移文各該省直衙門遵奉施行

崇禎三年二月十八日具

題本月二十日奉

聖旨這提催錢糧限單并叅罰式法俱如議申飭行

欽此

覆大同巡撫題催民運疏

題爲插氛萬分可慮餉缺旦夕莫支再懇

聖慈立發年例并催民運以救危疆事邊餉司案呈  
奉本部送該大同巡撫張宗衡題前事內稱該  
臣看得自東奴入犯

都門雲鎮節次發過防衛兵馬安家行糧俱於本  
鎮那移湊處倉庫已一空矣臣前疏請催兩省  
民運奉有

明旨臣隨差官守催邇來所解無多涓滴奚救於焦

金目今插酋擁集近邊乘我空虛掘墻入日  
日而四百方要挾勢不大犯不止我沿邊戍  
之衆中多疲殘之卒缺餉數月日無一餉救  
不贍之軍安能禦驕悍莫制之虜乎在餉司  
爾焦思況臣愚何能安枕情窮勢急時刻難  
謹會同總督宣大山西軍務兵部尚書魏雲中  
不避煩瑣合詞再懇伏乞

勅下戶部亟發京運二三十萬其山西河南兩省各  
欠雲鎮軍餉除臣日日嚴催外仍望

天語叮嚀立刻解運以救垂危等因奉

聖旨雲鎮缺餉京運着該部速與給發山西河南運  
欠民運該撫按督催立刻解運如有違玩卽行查  
叅該部知道欽此傳發到部又奉本部送戶科抄  
出宣大總督魏雲中題爲插氛萬分可慮等事  
奉

聖旨已有旨了該部知道欽此又奉本部送宣府總  
兵董繼舒奏爲徵臣

陛辭有日宜鎮振刷宜嚴敢瀝血誠仰徵

聖鑒以鞏衡邊以飭軍紀事奉

聖旨這奏宜鎮并揔虜情形知道了該鎮需人甚亟  
董繼舒着刻期到任所請欠餉卽與給發該部  
道欽此抄出到部各送司案查先奉本部送准宣  
大總督魏雲中咨爲庫餉窮困至分釐無貯援  
兵木已饑軍走險可慮再懇催僨民運以解危  
邊目前隱憂事到部奉批行文速催仍酌議具  
題送司除移文河南山西二布政司刻期完解  
到鎮外相應并覆案呈到部該臣等看得奴騎

狂逞於

都門而徵調紛馳於宇內宜雲兵馬聞警入援所  
需安家月糧不得不那湊以遙其行勢也但該  
鎮之餉額原自無多援兵那去一分主客官兵  
便少一分況今插虜窺邊百方要挾則沿邊戍  
卒萬難責之枵腹荷戈督撫兩臣爲之請年例  
催民運以救危疆其爲弭患固圉慮深且遠也  
復據宣鎮總兵董繼舒

陛辭一疏亦亟以該鎮年例爲請案查該鎮京運之



銓部發者從前發過數目具載臣崇禎二年  
月內題覆宣大總督王象乾三雲頻值多艱  
內奉

聖旨這找發宣大元年京運額餉全完并大同多開  
欠數緣銓知道了省直拖欠民運該撫按作速催  
解接濟不得再稽欽此今崇禎三年春季臣部仰  
遵

明旨於兩淮解到鹽課銀兩卽時剗發宣鎮年例銀  
二萬兩大同鎮年例銀三萬兩山西鎮年例銀

一萬兩委官轉運刻期到鎮以應急需餘俟餘  
解至日再發接濟此臣部京運之大較也其民  
運之繇外解者查崇禎二年十二月內該撫張  
宗衡題爲雲軍五月無糧等事奉

聖旨雲鎮需餉至急這山西河南額解民運便着巡  
按御史速行布政司上緊督催勒限完解拖欠庶  
州縣官查明叅罰張宗衡還另差官守催該司如  
仍前違玩叅來處治該部知道欽此臣部備咨都  
察院轉督兩省巡按御史星檄各布政司勒限

完解乃催餉者目擊顛連徒切剝膚之呼籲者不聞痛痒恍成秦越之視今據督臣魏雲雲撫張宗衡先後具題又准咨稱崇禎二年山西省欠本色糧七千二百七十四石五斗折色銀二十七萬七千九百四十兩六錢河南省欠銀二萬五千一百三十五兩四錢是中州所逋無多而山右積欠殊夥臣部又經飛檄頻催矣總之蚤一日得濟一日之用緩一時便貽一時之憂此時中外戒心宜雲絕塞援兵之那借

彌補無繇揀虜之款挾事變靡定所需應補應  
發之餉萬分緊急尤當萬分應手者也又查臣  
部正二月內掛號轉發宣鎮民運錢糧河南則  
有吏目孟國寧典史葛天培照磨丘之龍解崇  
禎二年銀六萬七千七百九十二兩五錢九分  
五釐山東則有主簿俞光憲解崇禎二年銀六  
千九百三十七兩六錢二分北直則有順天河  
間真定廣平解官左長庚趙元信等解崇禎二  
年銀四萬五千六百九十七兩二錢七分五釐

是則宣府一鎮新歲解至民運已十二萬有奇  
差足接濟目前而大同山西二鎮俱係本省民  
運不繇臣部掛號則臣無繇卽知耳伏乞

皇上天語叮嚀肅懸

功令亟

勅山西河南速將逋欠大同山西崇禎二年分民運  
本折照數遙完其北直河南山東應解宣鎮錢  
糧亦令一體速解到鎮星馳報部則逋賦完而  
飽騰奏巖疆裨益匪淺鮮矣旣經題奏容會前

來相應覆

請恭候

命下臣部容臣移文各該衙門遵奉施行

崇禎三年二月二十五日具

題本月二十七日奉

聖旨山西河南等省所欠宣大等鎮民運本折著各撫按官卽遵屢旨速催完解移文報部如再遲玩該部卽行查叅欽此

覆巡視太倉劉御史條陳錢糧蠹耗疏

題爲巡視報竣涓滴欲竭謹循職掌畢陳未盡事  
宜以飭庫務事邊餉司案呈奉本部送戶科抄  
出巡視太倉銀庫廣西道監察御史劉士禎題  
前事崇禎二年六月十一日奉

聖旨邊疆蠹耗弊端不一這奏軍餉領給置簿繳查  
及申嚴該庫官役等項該部卽與議覆欽此欽遵  
抄出到部送司隨經移文各邊鎮并該庫查覆  
到司相應具覆案呈到部該臣等看得京邊滙

於太倉出入最易叢弊所繇來久矣近奉

功令赫濯洒然丕變巡視太倉臺臣劉士禎軫念  
時艱慮周軍

國以各邊鎮支領太倉之銀無憑稽考議設邊鎮  
循環簿又以庫役店家表裏作奸議欲照例更  
換稽查是皆扼要之論無遠不入綜覈無微不至  
歸剔釐矣臣請得而覆言之凡各邊鎮餉司一  
應收放錢糧月有月報以聽部查季有季報以

呈



御覽但頭緒多端則磨算易混時日停閣則牽扯難  
明京民二運歲入之本折若干主客官兵歲支  
之數目若干必胥收除在之分明始出入完欠  
之有據若汰馬減哨有無足以充市本事故還  
官有無足以備閏月構節附餘有無足以俟前  
支又必列款註明以便稽查則循環之款項不  
可不備也查該庫吏書向來原無頂首迨今月  
增歲益訊之殊可警詫臣竊以爲革其相沿之  
陋規不若革其相沿之弊竇弊竇清而贏利微

是以不革革之也則吏書之防閑不可不密也  
近查新舊兩庫天平法馬俱經監督官申請  
部較準出入盡一不偏毫釐入庫之銀凡千兩  
以上者又令解委自行敲兌無容吏書高下其  
手跡其弊竇不過藉飯食中暗通內役兌銀時  
串積慣店家爲之因而夤緣作奸則店家之積  
弊不可不清也宜如臺臣議合令各邊鎮餉司  
置立循環文簿各二扇具開領銀月日及銀數  
若干給散花名四柱一送巡視科院一送臣部

稽查循去環來按季剗換仍將汰馬減哨事  
還官樽節附餘各項綴於放收京民二運正額  
錢糧之外臚列項款開立前件從實登答則一  
出一入皎若列眉億萬錯銖展卷便竟是直捷  
之法也案查先該兵科給事中馬思理題爲餉  
議奉行無法卽

嚴旨申飭皆虛敬因覆議之後求

皇上設法力行以仕成議廣收衆益事奉

聖旨這餉議各款後先奉旨未見實効查數限期自

是清核一法并昨集議足餉事理着該部列款  
查勒限奏報六科註銷成規還通行申飭本內  
字錯寫改正行該衙門知道欽此除後先餉議  
各款并集議足餉事宜已經臣部仰遵

明旨列款嚴查通行省直勒限

奏繳外所議清核之法內稱置邊鎮之需環以便  
稽查定月終季終

奏報之期以防寢閣其與巡視臺臣劉士禎之疏  
同係實心釐剔所當一并申飭通行各邊鎮糧

儲如法填報循環者也至庫中規則例不舉火  
各役飯食固難責之破例自炊店家自未可少  
如臺臣議照例更換不許積奸關通作弊太倉  
文卷悉應貯之公署不許庫書携歸經收經放  
吏辦定限一年一換不許侵肥戀棧而庫官庫  
書各役仍聽巡視科院會同該庫監督不時糾  
察遇有奸弊即便題叅則清流卽可以裕源殫  
地自化爲淨境其於庫務裨益非淺淺也旣經  
具題前來相應覆

請恭候

命下臣部移文各該衙門遵奉施行

崇禎三年三月初七日具

題本月初十日奉

聖旨這奏覈邊餉剔庫弊等事着實舉行還須通計  
有無酌量出入定爲規則俾收支緒清轉輸不絕  
毋致臨時匱絀欽此

覆保鎮兵餉京運改民運疏

題爲額餉久缺那借俱空懇乞題

請補發以療軍饑以壯敵愾事邊餉司案呈崇禎三年三月初一日奉本部送戶科抄出保定巡撫解經傳題前事等因奉

聖旨保鎮兵餉着速措給京運復改民運果否妥無一併確議具奏欽此欽遵又該戶科叅看得保鎮兵餉常缺至數月者則京運悞之也太倉視保鎮爲腹裏則其措發常緩月復一月年復一年

軍士之饑餒也久矣今非昔比自虜騎內犯  
薊守通守涿皆借保鎮兵力則雖腹卽邊矣糧  
腹難以荷戈而發餉豈容少緩則速爲措給誠  
救濟目前之急着也若論常久兩便之道真無  
如改京運爲民運改則以本地六府之銀兩而  
養保定一鎮之軍士民免轉運之勞軍無等候  
之苦如真定之例隨到隨放士馬未有不飽騰  
軍容未有不壯盛者也計部慎毋爭職掌膠  
柱不變而重困此一鎮也抄出速給速覆之等



因抄出到部該臣等看得邊鎮京民二運總屬  
民間額派有分名無分體者也向因民運完欠  
不入考成而那移自適以致各邊積逋之數不  
可究詰於是有民運改爲京運者有赴部掛號  
而仍爲民運者易餉之仰給於京運久矣今據  
保撫解經傳疏首請發該鎮額餉次請改該鎮  
京運爲民運而該科又以虜騎內犯守薊守通  
守涿皆借保鎮兵力援真定例無如改京運爲  
民運則以本地銀養本地兵不越里閭而得飽

騰亦計之得者也臣等請先查該鎮額餉之數而後議改民運之便否可乎查易鎮年例銀每年該銀一十四萬六千五百九十五兩六錢五分除保撫原題四道節曠銀四萬三千一百五十二兩八錢六分已經折抵年例外所存不過十萬餘耳每月該約八千餘兩查臣部本年二月十四日發銀一萬兩三月初二日又發銀一萬兩前後所發撥之原額亦不甚少至於北直京邊案查崇禎元年臣部奉有遼左金鳳新餉

向日舊餉何在俱明白奏來之

旨臣於通查遼左缺餉之因疏內議以真順廣大保  
河六府合解太倉銀一十六萬二千餘兩并順  
天東昌兗州府太倉銀湊足二十萬兩以抵遼  
左應支之舊餉卽爲各府召買之價值題奉

欽依每歲遵行重以虜警匪茹土馬雲集增買料豆  
業經預派似難再有更張以滋紛擾且易餉幸  
有撫按所報節贖銀兩力亦易辦今後第以每  
月八千兩着爲定額按時給發似亦無虞

之不繼也如必改京糧爲民運則

畿輔召買糴本皆當大有紛更亦惟俟之崇禎四年可矣然猶有可議者如秦晉二省原無京邊盡屬民運而軍餉之積逋乃滋甚也卽就易餉而論屯運固本地所徵收者果盡完否夫民運不完則待命於京運京運不繼又欲改爲民運各督撫之自爲封疆計者得矣如臣部之不能方圓並畫何哉竊計一改民運則痛癢杳不相關緩急莫得其用恐

祖制亦未可易變也伏候

聖明裁奪施行

崇禎三年三月十一日具

題本月十四日奉

聖旨依議欽此

題覆山西譚軍索餉疏

為剪鋤惡黨以靖地方事邊餉司案呈崇禎三年三月初九日奉本部送戶科抄出該兵部題前事奉

聖旨譚軍自應盡法該鎮平時駕馭體恤亦須得宜所需額餉戶部速與措發再勿遲悞欽此案查本月初一日先該宣大總督魏雲中題為饑軍鼓譟事奉

聖旨軍譚藉口索餉亦是統馭無法既經處分知道

丁其應給月糧着速與指發該部知道欽此欽遵  
抄出到部送司案呈到部伏查該鎮每年原額  
年例銀二十萬六千三百兩內除撫按裁汰京  
書廩給銀一百三十三兩四錢裁汰冗官冗役  
銀除抵充贍田外實在銀一萬三千九百一十  
三兩五錢四分又巡撫耿如杞報逃亡事故節省  
省銀六萬六千一百三十二兩六分卽節省項  
下仍須招補難以盡作實數然但得十分之五  
亦止每歲該銀十五六萬耳臣部先於二月內

四日分發鹽課銀二萬兩差委官王孟祥黃猷  
押往本鎮訖計二月以內可到頃奉

明旨復於三月初十日差委官劉有聲又解銀一萬  
五千兩責令星夜前往去訖該臣等看得自奴  
騎入犯以來所急倍於疇昔臣等猥膺司計仰  
體

宵旰極力拮据未嘗一處不照管一刻不打算也祇  
緣冬半春初外解盡阻及虜遽後又併力顯奉  
京薊以致九邊發數尚有未及額者輒爲山右



潰兵所口實查該鎮密通會城且多民運儘可  
通那又非專靠京運者幸賴我

皇上明徹萬里洞見軍譁情形卽其潰而畏拏怯而  
畏調逼迫約誓之狀據疏內總兵王國樑所陳  
似儼然具一供案臣部又不敢代爲狂逞者槩  
執其咎也除臣等黽勉湊泊但有外解卽行續  
發外謹將發過數目前往日期謹具本題

知

崇禎三年三月十九日具

題本月二十三日奉

聖旨知道了疏內鹽課數目與貼黃不對着查明另  
奏欽此

覆議解差刻限復命疏

題爲申明解差之規並報發過年例數目仰遵

明旨以永法守事邊餉司案呈崇禎三年四月初一

日奉本部送戶科抄出該本部題爲請發年例

銀兩事等因奉

聖旨是以後齎解邊餉亦須擇人着查取各衙門印

結確當方行選委仍刻限復命不得借差自便解

餉到日着各鎮出與實收一面馳奏該部還通飭

行欽此又該本部題前事奉

聖旨是還着依限復命欽此欽遵通抄到部送司案呈到部該臣等看得解銀一差其輸之則我圉之命脉也其付托之則星軺之責任也敢不選擇而使臣所擬差臣部司官及各衙門官員皆年力敏幹才具堪任者茲伏奉有

特旨以後凡遇差遣押解預行各衙門取有印結方敢選委到鎮交割之後差去官員卽向該鎮討取實收先行馳繳臣部衙門以憑具奏臣伏查往年差規每一季題差一次卽將各該鎮應發

本季原額備載疏中差官解去若干餘俟各該鎮委官陸續討領此定例也一則以外運愆期庫藏匱乏當派發之時不能盡敷一則以邊地險僻行李間關計攸往之利不願多携甚且有一差而止解三五千二三千如

明旨所謂借差自便者徒以煩輪蹄而擾驛遞夫非肅將之意矣該臣於受事之初題奉

欽依差須滿萬以上遵行在案頃又有兩季併差之請伏蒙

皇上允俞重以仰借

天威淮課已至解到舊餉三十六萬一千零臣得借  
手爲各邊請命除大同鎮春夏二季額該銀二  
十二萬五千三百一十九兩先發過六萬兩今  
又發七萬兩內四萬作市賞俱係別項添發不  
係鹽課宣府鎮春夏二季額該銀一十四萬九  
千五百七十八兩三錢五分先發過六萬兩今  
又發七萬兩內四萬兩充市賞山西鎮春夏二季  
額該銀七萬八十三兩九錢七分先發過四萬

五千兩今又發三萬兩內二萬充市賞延綏鎮  
春夏二季額該銀二十萬五千八百一十九兩  
九錢三分五釐先發一萬五千七十兩又允解  
四川協濟銀四萬兩今又發五萬兩寧夏鎮春  
夏二季額該銀六萬四千一百三兩四錢五釐  
先發一萬五百二十兩又允解四川協濟銀二  
萬二千五百兩今又發三萬兩甘肅鎮春夏二  
季額該銀九萬四百四十三兩八錢九分先發  
過二萬兩又允解四川協濟銀二萬兩又題留

裁革冗官銀一千四百五十八兩今又發四萬  
兩固原鎮春夏二季額該銀七萬二千九百一  
十一兩九錢六分三釐先發過一萬三千兩又  
兌解四川協濟銀二萬七千九百三十五兩二  
錢今又發二萬五千兩下馬關春夏二季額該  
銀二萬一千一百八十六兩四錢八分先發過  
一千兩今又發一萬五千兩以上皆係鹽課銀  
兩查照各該鎮兩季額數雖尚未完敷然較之  
往日不啻倍多其有各鎮領餉委官在京者勒



令協同押解前往臣部萬不敢爲諸臣規便也  
至於依限復

命一節尤宜申飭當此軍

國多事之秋豈臣子里舍偃仰之會擊楫奮征詎  
異人任查得舊例解銀之差緣邊塞往還不惟  
勞苦且多干繫是以優之周歲比入

都門浸假而已有逾年者矣請著爲

功令陝西各鎮道路最遠以八月爲限山西各鎮  
道路少近以六月爲限期而不至者容臣部查

參庶差規衷於畫一而勞逸亦得適均矣伏惟  
聖明鑒裁施行

崇禎三年四月十二日具

題本月十六日奉

聖旨是欽此